

香山縣志卷七

人物列傳 烈女 貞女

明

蕭烈女名烏頭娘大欖都華平里人父思敬母區氏烏頭年十八未字景泰元年黃蕭養旣平水軍討鄉民之脅從者遂乘機剽掠見女有容色執之脅以利刃烏頭誓死不受辱載次新會東亭驛將鬻之女曰願一死軍怒曰聽賣乎無緩我刀女曰我豈容若賣人亦豈能買我卽自引頸斂髮受刀觀者泣下新會人李彥英謝齊祖爲具棺塋於象山成化辛丑知縣丁積命工修其墓且割廢廟田六十餘畝命人歲守祀事宏治甲子知縣羅僑以守非其人墓將就堙乃改塋于雷電山

劉二娘山谿角人邑文學劉靈女也性至孝侍父讀書諳義理年十八未笄萬歷己酉四月二夜海賊剽掠攻其廬警迫家人奔潰娘勢感不顧身力梯其母踰垣脫避仍回襁負幼妹爲賊執憤激求死沿途罵賊賊以刃礪其頸益罵不絕口至石龜頭賊擁之登舟適追兵至娘乘間赴水死翌日屍從數十里逆流旋于河之干握拳嚙齒尙作罵賊狀縣令以其事上聞



直指使者田生金疏請旌表建祠祀之

鄭娟娘烏石庠士申重女也五歲從兄受女論語明大義申重與韋燦我善約爲婚姻許聘韋子卓琛及笄卓琛早夭申重恐娟娘知戒家人匿不與聞後知之哭告父母請往奔喪父曰忠孝節義惟節最難汝欲守節是天下難事汝獨安之吾不汝沮也惟今此一往非爲死者計爲宗祧計耳必卜吉而行吾心乃安娟娘義其言姑從之無何格不得行娟娘以死自誓越一載燦我思子致疾念娟娘爲子守節淚囑其後妻曰我死無子尙可議爲我後者若娟娘不歸禮難

議繼卓琛爲不饗之鬼矣我死後當迎娟娘爲我成服死瞑目矣因手書貽申重置筆而逝娟娘泣請奔喪母曰未字而奔翁喪不貽父母譏乎娟娘曰私奔貽辱未聞奔喪守節貽父母譏也語畢闔戶投繯母穴墻入氣將絕矣頃甦言曰無重苦我始終一死耳母知不可奪也許之韋具輿來迎娟娘歸韋執喪守節事姑以孝順聞撫繼子慈不掩義四十餘年如一日縣官旌其廬曰孝節貞操

黃氏庠生黃考功女性柔淑善讀曹大家女誡諸篇許聘秦建義年及笄建義久病肺娶有日矣而病未



瘳及期來迎母曰婚病未愈親迎謂何欲不許女曰  
爲女不幸遠離父母夫豈忍言但受人之聘身卽許  
人義無再醮遂歸秦恪恭婦道侍湯藥無懈容建義  
終不起謂黃氏曰卿猶處女也慎勿固執勉事新人  
侍藥之勞俟諸冥報黃以死矢建義乃氣絕黃哀毀  
骨立母欲奪其志黃以死爭之年六十有三跌坐而  
逝

國朝

方 氏名秀貞生員方天明女年十五許字庠員李棐  
龍順治乙未歲海寇竊發村鎮多所屠掠秀貞告母

香山縣志

卷之七

烈女 貞女

三

曰兒必不得長奉母矣母以爲不祥唾之及賊刦濠  
涌村母子皆被擄秀貞知不免乃紿賊令母歸取銀  
贖已賊信之秀貞度母行旣遠遂躍入海中死棐龍  
聞之哀悼感其義誓不娶後數歲亦死

梅 氏順德龍山萬祉女許配香山何仞樓長子元翼  
翼患痘亡女聞訃亟請奔喪父母以禮阻之由是執  
守心喪日夜潛泣積六載如一日鬱病垂危其太母  
譚請接歸守節女聞曰吾志遂吾目瞑矣言畢而逝  
何乃迎喪合葬焉成女志也

曹 氏千總曹逢貴女許字李作梅未嫁而梅天氏年



始十四聞訃誓以身殉父母察其志堅不可奪許往  
奔喪撫棺慟絕救獲甦遂不歸執婦道事翁姑辛勤  
擦作足跡不踰閫外立姪紹治爲嗣鞠育教誨無間  
所生辟纏儉積以供婚娶孀守四十二年今五十有  
六已抱孫矣乾隆二年建坊旌表

徐 氏庠生徐賜桃女許字邑人葉天燦未嫁而天燦  
故氏聞報欲奔喪父母初弗許氏號泣幾死卒莫能  
禁葉家貧氏歸以女紅給甘旨奉姑惟謹徐故儒門  
氏嘗讀書通大義爲女塾言動循禮苦節數十載足  
不闕戶年已五十有三乾隆十四年請旌

香山縣志

卷之七

烈女

貞女

四

劉 氏山谿角穎思女年十七許配楊貫六貫遘疾亡  
女欲奔喪父母難之及貫葬昇棺經其門遂投繯家  
人救獲甦然此志未嘗偶忘也旣而永人求婚一夕  
俟家人寢熟潛理笄復投繯死

楊 氏凝叔之三女少讀內則知大義許字蓮塘鄭式  
徽徽病疽歿氏時年十八哀請奔喪父母弗許氏卽  
嘔血誓死父母知其志堅不可奪乃歸鄭氏謁見舅  
姑卽喪次哭泣成禮復請立夫姪江表爲嗣旣而語  
所親曰舅姑侍養有人吾夫立嗣有後未亡人可相  
從於地下矣遂嘔血不食死每當風止雨霽家人常



髣髴見其往來迹其請命奔喪爲夫立嗣從容殉節變而不離於禮可謂女士矣

何氏順德馬寧村憲則女許配小欖麥廷柱未婚而夫卒何聞喪奔赴憑棺慟絕舅姑泣諭之謂激烈殉節止全一身不如代夫侍養二人之爲大氏乃輟泣視息遵翁姑命其父母憐其年少而未婚將勸之他適何操寸刃以死自誓父母乃不復言自是獨處一室勤紡績以佐姑嫜薪水卽隣嫗罕識其面撫夫姪麥華炳爲嗣教以成立事舅姑喪祭盡禮年逾五十松栢之操久而彌堅

香山縣志

卷之七

烈女

貞女

五

胡三姐農家女許配黃城康及笄而城康死女欲奔喪父母阻之投繯死距黃死僅三日耳合葬於飛駝山之麓雍正三年旌表見通志

梁氏乾霧村梁超常女許字趙觀照未嫁而照故氏聞訃奔喪慟哭幾絕救獲甦矢志守貞事舅姑克盡婦道舅姑歿哀毀骨立典鬻殯塋如禮家故貧日勤女紅以供饘粥擇猶子爲夫嗣撫養成立含冰茹蘖三十六年始終如一致

黃氏甘竹黃開敦女許字小欖麥文則文則以攻苦得疾未婚而卒氏聞訃奔喪矢志守節翁姑弗遽許氏



歸悲悼欲自盡旣念父老且無子忍死視息削髮見志翁與父憐其意築一小菴於甘竹之木綿口居之去其家僅數武名曰建聖外供佛相內守夫靈含冰茹蘖比隣罕有識其面者性復至孝事父母能得其歡始終罔懈尋爲夫立嗣子士蓋及蓋成立請歸侍養氏泣曰未亡人不卽從而父於地下者以老親在耳杳杳重泉長恨何極忍歸受養乎卒不許託跡空門五十餘年今七十有六可謂苦節能貞矣



人物列傳

烈婦

明

蘇氏指揮林興妻正統己巳寇黃蕭養攻城四境奔潰援兵不至時興統軍於外孤城危急蘇氏率軍婦衣盔甲登城拒守身冒矢石振威禦賊其後援兵至而城以安

國朝

麥氏小欖人生員黃肇揚妻家貧紡績供膏火客過具盤飧雖野蔌數莖亦極其精潔順治癸巳冬官兵捕

香山縣志

卷之七

烈婦

七

蛋船延及小欖氏被搶赴水兵捉其髮繫船間復乘間斷髮入水既沒旋湧出作憤罵狀如是者三兵叢射之乃沒時年三十事定肇揚訴諸官撫院盧贈金差官訪贖其子女三人還之肇揚感其節烈誓終身不再娶

崔氏鄔奕田妻西門人原居小欖事翁姑孝翁沒事姑彌篤順治間海寇掠鄉家人奔竄姑老不能逃令氏速遁氏不去寇至將刃姑氏哀求獲免復擄氏氏授幼子於姑怒罵賊不絕賊執登舟氏乘間投水死年三十有三



鄭氏生員盧尙堯妻康熙甲辰二月海寇掠鄉尙雍父  
母妻子俱被擄母衰病不前賊棄之鄭氏方襁負其  
子度姑可幸脫卽解釋其子於地目送姑姑乃携孫  
逃歸鄭氏誓死不隨賊賊曰我釋汝後復有執汝者  
弟隨我去可贖汝翁與夫鄭氏曰翁爲鄉賓夫爲庠  
士義不受辱得釋與否非所計也觸賊而死

梁氏蒲山陳昌昆妻康熙三年春海寇入村昌昆父子  
被執賊持刀逼氏隨往氏不從引頸就戮賊殺之

李氏年十九適生員郭尙誠歸二載誠死遺腹生子良  
瑜李守志撫孤成立娶媳蕭氏生二子而良瑜死蕭

香山縣志

卷之七

烈婦

八

年二十五姑媳相依茹茶飲泣順治壬辰寇作李病  
不能起蕭囑子遠逃身畱侍姑賊入刃李傷腦而死  
芹以身捍刃被剗血暈仆地俄頃復甦晨夕號泣守  
李屍忍飢待盡三日二子返營喪具及殮李面色如  
生蕭食貧紡績課子啟昌著聲庠序未幾亦亡止餘  
運昌一息守節六十餘年壽九十

程氏南萌人適王簡生產一子方九齡順治壬辰土寇  
陷城簡生携男遠遁氏懼汗忿不願生兵至投井死  
及殮顏色不變

毛氏生員毛濬女也幽閒貞靜四德具嫻同里蕭來鳳



聞其賢聘爲次子欽相婦年二十于歸欽相以廉吏子未弱冠爲諸生文名藉甚賦性端方言笑不苟毛氏小心縝密敬事翁姑克相夫子諸姑妯娌欵洽無間人羨爲佳兒佳婦順治壬辰土賊犯城氏甫生一子五歲警報漸急氏自度不免乃以子付家僮襁負囑逃他所迴身投井中時年二十有四夫感其義終身不娶欽相後列明經其子蕭立亦以名儒歲薦氏有小姑蕭四姐僅二十許嫁繆昆卿爲妻聞賊至亦同時赴池死人謂一門節烈洵不媿清白家風云

夏氏東門夏愚叟女高州學正楊思誠之妾氏年十六

歸思誠恪司中饋甚得內主心且習聞女訓知大節不苟言笑順治壬辰土賊梁子直作亂居民倉皇奔竄氏懼不免携弱子付家人囑使遠遁賊至遂憤身投井死越三日顏色不變時思誠在高州署燈下彷彿見氏衣袂水漬淋漓若有所訴旋滅後偵知邑遭兵燹撫然曰夏必死矣信之於其素也邑人至今哀之多爲輓章以旌其烈

高氏李鳳侶妻子歸三載生一子而翁姑淪喪其夫繼歿順治九年梁賊破城子牽衣欲與逃氏曰予不逃而死是汝父有妻汝逃而生汝父有子無同受賊害



也竟投井死

蘇氏順德縣俊仁女許配小欖麥岳齊已請期而岳齊  
病篤氏如期于歸甫一日而夫卒迨夫服闋姑陳氏  
亦棄世舅年過半百舉奠無人力勸舅立繼室出叙  
鈿充聘癸未繼姑歸逾年生小叔九錫氏撫育襁褓  
與姑共劬勞後九錫長生子彬卽立爲夫嗣孀守五  
十六年始終不渝人稱巾幗丈夫



人物列傳

節婦

明

陳氏處士何天祐妻年二十有二夫死子純甫三歲鮮期功之親族貪暴者利其資欲奪其節危其孤陳氏艱貞自矢撫純純長娶婦鍾氏甫一年而純暴殞婦鍾有娠僅五月於是貪暴者復集而虎視十倍於前陳氏孑身孤嫠痛殤兒而撫妊婦呼天捨地力禦強暴及遺腹生數歲而婦鍾又死陳之所以保持其孫者又百倍於其子也有以毒置糗糲誘乳嫗啗孤

香山縣志

卷之七

節婦

士

者陳覺之得不死則又結大盜夜刦之陳抱孤渡河若有神物乘以濟者又得不死自是歲租資產悉爲抄奪陳夜則明燈和淚教孤孫讀書晝則挺身至訟庭辯復產宅歷十五年始得復還孫世睿垂髫補弟子員飄搖稍定而巢卵得完後享年九十餘孫述忠述瓚皆舉孝廉陳猶康健及元孫吾騶起家翰林請於朝旌表建坊祠祀

劉氏李孟義妻年二十而孀子賽橙事氏以孝聞氏年踰六十始終一節正德間建祠旌表曰母貞子孝賽橙奉 旨給冠帶



周 氏麥文傑妻夫死守節正德間嘗捐銀四百餘兩賑饑縣官旌之曰節義雙美

梁 氏庠生趙之璧妻年二十五之璧死無子富人謀娶之百計不爲動壽八十有三崇正十六年卒

陳 氏黃旗都人張勝祿妻孕三月而夫死以家貧囑父母嫁之陳聞言哀不自勝剪髮矢志時年十有七後生子奇巖年六十八卒

梁 氏小欖人歸何瑄二年瑄暴卒遺腹一子或勸之他適輒慟哭曰一婦二夫行之醜也且弱息非吾奚依誓死守節年七十嘉靖初有司欲表之氏使從孫

香山縣志

卷之七 節婦

三

止曰吾薄命至此敢要名乎有司亦不之強

梁 氏龍眼都人歸高霽二載霽卒梁氏時年二十二遺腹生子應箕堅志守節其母諷之他適梁氏曰姑老子幼忍使無所依乎母遂不復言嘉靖間旌其門曰高節婦卒年六十有九

何 氏楊世詵妻小欖庠士何派東女十九歸世詵二十有一舉二子世詵死遭家難何艱危矢節日抱兩孤泣曰未亡人忍一刻苟活耶顧吾死而兩孤隨之矣乃日事績紡以自給子稍長課以詩書派東哀其志構數椽迎歸氏載木主攜兩孤往足不踰閩時述



已所以忍死之故以勉其子及應童子試仲子以垂  
髻冠一軍縣以其事上之學使者彙聞於朝旌其廬  
曰艱貞勁節

何氏小攬羅涌人年十九歸生員楊兆公事翁姑動  
止有儀吐詞有則姑姊妹戚屬咸師焉兆公未舉子  
何氏出奩金爲買妾後兆公病肺垂危謂何氏曰命  
在旦晚如兩尊人何何氏曰妾幼讀禮儀頗明大義  
倘不諱理無獨全且妾有身四月矣聞之古人曰仁  
人必有後如其不然有相從泉下耳兆公卒閱六月  
而子晉生何氏鞠育顧復之入小學經傳句讀皆口

授或偶及忠臣孝子輒能語其大槩翁病侍湯藥顛  
天願以身代旣歿經紀喪葬無鉅細一準於禮晉旣  
長文日益有名受知學使者試輒高等食餼貢入成  
均及捧徵檄色喜母曰汝欲效毛義故事耶與子偕  
隱足矣守節三十九年縣官上其事

梁氏黃梁都人彭澤令梁國棟女年二十適庠生方  
如暘暘力學不以寒暑間梁勤女紅給養殮暘得一  
意攻苦無內顧憂越五年如暘死子博甫三歲稍長  
教以詩書遇古人忠孝廉節必爲之反覆開導孀居  
三十餘年子博邑庠生



梁氏亦國棟女適前叅將何景道八載而孀勵節教子允榮讀書成立入邑庠

劉氏南海人年十七歸小欖庠生何晟道未及一載夫死無子以兄子允樛嗣氏哀痛不欲生姑勸以存孤大義乃鞠育嗣子如已出門戶糧役一切經理之上奉孀姑供祭祀課耕織撫孤完娶循禮蹈義三十餘年如一日

江氏麻洲人秦勝祐妻也甫娠而勝祐疾篤命工繪其像授之曰吾命止此幸而生子善鞠之言畢而逝後生子經時年二十一有勸令改志者泣曰而欲速

香山縣志

卷之七

節婦

古

吾死耶其人遂不復言既去喪佩服皆縞素卒年逾七十

黃氏荔枝山人梁寶卿妻年二十一生一子而寶卿死黃氏事孀姑撫幼子至十八娶媳生孫而子又死氏復撫孤孫每逢姑與夫諱日號哭不輟聲勺水不入口典鬻經其夫塋事族人踞其山弗令塋氏激烈願隨夫人塚族人義之乃得塋萬歷二十六年壽八十卒

黃氏雍陌人庠生鄭參妻二十一而參死遺腹生子光震始終一節



梁氏萬歷二十三年適楊文耿二年文耿死守節六十餘年八十有五

黃氏乾霧村梁素韞妻二十七夫死或勸之改嫁乃蓬首垢面呼天慟哭教子士樸成立居家儉約賓祭則豐卒年六十有二

容氏年十八適翠微韋仁伯半載而仁伯死孀守事姑姑死出所積置產建祠俾族人奉祭祀萬歷四十四年縣官旌其廬曰節孝可風年八十有二

鄭氏仁厚坊楊璋妻歸歲餘而璋卒遺腹生子桓守節六十餘年

香山縣志

卷之七

節婦

五

楊氏鄭達元妻二十五而寡子宗彥生甫三月家貧守節紡績以事祖姑訓子入邑庠孀居四十八年

殷氏黃梁都人庠生曹懋周妻年二十二夫亡生子甫五月孀守數十年年七十卒

楊氏吳茂暉妻永寧街人二十二歲夫死無子家赤貧紡績自給年六十有五

鄺氏南門人庠生趙天挺妻年二十餘天挺死守節教子聯飛入邑庠

劉氏儒士梁子慎妻歸未三月夫死時年十八撫嗣子守節三十五年



郭氏邑諸生劉攀龍妻明副榜郭拱北之女侍父讀書早識大義于歸四載而攀龍卒幾欲相從地下以老姑尚存懼重高堂遲暮之傷遂忍死守節勤績紡以供菽水爲夫立嗣子撫育成立復拮据建小姑劉二娘烈女祠修春秋祭至今廟貌猶存貞魂不死者皆氏之力也苦節五十五年七十七而終

鍾氏孝廉楊應魁妻于歸數載而魁以攻苦得疾卒氏栢舟自矢含冰茹蘖孀居數十年始終如一致立猶子爲夫嗣年九十八卒

吳氏林達相妻年二十三歲而寡家徒四壁其兄勸之改適氏誓不從日勤紡績以奉姑育子孀居二十九年雖親戚亦罕有識其面者

楊氏黃直遠妻楊源一之女也年二十歸遠家甫三載遠故氏遺腹生子天成家貧甚飲冰茹蘖矢志靡他事翁姑以孝聞及子長完娶未幾子媳淪亡遺瞎孫撫以存嗣孀居三十餘載年五十有三

鄭氏小欖何洪祿之妻順德鄭裔女雍正八年崇祀節孝前正統己巳黃寇劫掠欖鄉氏夫何洪祿身爲鄉正應御史楊公榜招禦賊捍衛鄉里爲賊所執不屈而死氏時年二十四養姑育子艱苦備嘗旋又遭



鄉亂姑死於難子被擄氏痛泣不欲生乃與弟鄭秉忠竭力訪求天憐婦節子母完娶何氏三世孤苦得延嗣續鄭氏力也迄今子孫繁衍科第連綿人以為夫婦忠義節孝之報云巡按戴璟旌其門曰忠節齊芳

國朝

黃氏適梁敬存生一子二十七歲而孀美姿容人多謀娶之氏曰從一而終婦道也若夫死改適他日何以相見於地下乃蓬首垢面跣足毀容以自誓族人誘其子飲博呼天哀痛切責之遂得悛改卒年六十

香山縣志

卷之七 節婦

七

有二

楊氏繆志臯妻歸四載而寡撫孤子及長為娶婦順治壬辰冬值梁賊變兵寇交集城下楊慮污偕媳唐氏投井死

譚氏小欖人把總何月客側室也僑寓順德碧鑑津口性端莊不輕言笑月客從戎戰死輿尸歸譚號泣躬含殮入室擬自裁婦嫗環守之曰奚自苦主翁死不可復生可別為計也譚手捫其口曰無多言徒污人耳越日乘家人方聚泣纒幃中疾馳伏波橋上哀呼投水死



穆氏本邑穆青輝女明吏部主政鄭一岳妻也封孺人岳少年登第前尹丹徒時每遇疑獄孺人咨商剖判屢得寬宥邑人稱慈母明季岳以銓部狗節孺人聞變投繯絕而復甦是時年方二十有五左提右挈出家於危難中賴有寧宇孝事耄姑以媳代子壽躋八十七歲猶教子訓孫宵分常不寐至足不踰閩憐家婦亦罕有識其面者康熙四十九年旌

楊氏庠生霍文育妻夙嫻壺範年十八歸霍甫三載夫故無子氏孝事舅姑持齋茹素晨夕頂禮外人罕見其面撫侄智萬爲嗣克有成立一旦怡然曰吾可

香山縣志

卷之七 節婦

六

以下報吾夫矣無疾而終壽五十有一雍正四年旌其門

羅氏邑庠麥景仞妻年二十有八孀守撫遺腹孤子陟瞻克有成立羅年五十六卒性好善曾脫簪珥掩骼骨設義塚於飛駝岡豎立墓碑康熙四十九年旌表

繆氏庠生維斗女幼通內則明大義年二十歸毛建周周爲邑名諸生工詩文刻苦成疾越兩載卒氏矢志靡他夫未有子氏請於姑撫夫姪爲嗣愛護如已出事耄姑歿喪葬盡禮康熙六十一年旌表



何氏小攬李職名妻五桂繼母也年二十于歸越六載夫故無子何誓志靡他紡績以事舅姑爲職名立嗣以繼宗祧舅姑棄世喪塋盡禮孀守四十餘載克全志節雍正三年旌表

藍氏年十八歸楊欽子八載而夫卒欽子少年任俠家徒壁立遺五歲孤觀鳳週歲女衣食取給十指或日一舉火值歲飢每至斷炊氏母勸之嫁氏泣謝矢志益堅鄰嫗罕見其面子觀鳳事母孝都人士咸稱之雍正四年旌表

羅氏倫客女何惟傑妻也年十七而嫁生子四人越香山縣志

卷之七

節婦

九

數載惟傑病故羅氏上奉翁姑下撫幼子婦職母道畧無遺憾翁姑歿喪塋如禮子泰元泰興入太學氏孀居四十八載年七十有六邑人請旌雍正三年旌表建坊於小攬牛利地十年崇祀節孝祠

鄭氏生員劉上正妻年二十歸劉克盡婦道生二子夫卒時年二十有六幾欲從夫地下懼重高堂遲暮憂忍死守節紡績養姑教子淑文仁俱能振先業人以爲苦節之報雍正五年旌表

蔡氏黃傑卿妻年二十六而夫卒擗踊幾絕時一子尙在襁褓忍死守志日勤紡績以供衣食孀居數十



年警咳未嘗聞於閭外人咸嘉其苦節雍正四年旌表崇祀節孝祠子應顯國學

楊氏鄭紀常妻年二十歸鄭踰七載紀常病卒忍死矢志代供子職事舅姑以孝聞舅姑歿哀毀骨立典鬻殯葬如禮教子萼舒錦舒俱能成立焉雍正三年旌表

李氏庠士宗弼女廩生毛憲周妻監生德熹嗣母也及笄時憲周訃至遂白其母慟哭奔喪入謁祖及姑誓死守節事姑嫜課嗣子張穆謂其獨稟正氣如歲寒松栢霜雪不彫信然雍正三年旌表

香山縣志

卷之七

節婦

三

鄭氏生員繆時發妻生員夢錫女也年二十歸時發越五載夫以疾卒氏飲泣居喪悉合於禮侍耄姑膳必豐潔撫嗣子藻如已出孀守三十餘載終始一節雍正七年旌表

汪氏鄭衡疑妻年十八于歸恪修婦道內外無間言生二子衡疑卽世氏矢志撫兩孤稍長口授章句有和熊畫荻之風未幾長男又殞孫在襁褓中姑息熒熒針紉自給每殘燈苦雨未嘗不相對黯然也孀守數十年如一日次子煜國學生雍正六年旌表

黃氏長洲人儒士高冀善妻監生縱成母也二十三



歲而寡遺腹生子縱成矢志堅守誓死不移事尊嫜以孝處妯娌以和撫育遺孤殷勤備至孀守三十餘載苦節彌貞雍正七年旌表

唐 氏黃燦卿妻生子三燦卿早世氏撫遺孤紡績以給衣食茹荼數十載人咸歎其苦節雍正七年旌表

毛 氏庠生何遜道妻孝以事姑戚族無間言遜道性豪放嗜酒力勸不從卒以傷身病革之夕執毛手曰卿年尙少撫此弱齡其克有終身乎毛泣許以死殉遜道歿一慟氣絕姑救獲甦後泣諭止之毛凜承姑命朝夕奉事孝謹教子成立三十年未嘗露齒布素

終身都人士語孝節者必推何賢母毛君云 見通志

高 氏高贊和長女庠士方馨長子東炳之妻廩生方春鳴之孫婦也十八于歸善事舅姑勤修婦職生子二一甫四歲一僅週月東炳以病死氏誓死守節奉老存孤晨績暮紡不辭勞瘁未一年而翁姑後先繼殞歲丁三喪殯葬之具皆典鬻爲之三十餘年蓬首孀居雖隣嫗罕識其面娶媳楊氏唐氏皆能勤儉宜家二子岐英克底成立氏今年逾六旬始終一節雍正八年旌表

曹 氏何一賢妻年二十四歸何越年餘而夫卒遺腹



生子矢志事姑甘貧守節歷五十一年雍正八年旌表

繆氏譚廷謀妻二十六歲夫卒矢志栢舟教子成立現行年六十有二鄉間公舉苦節雍正八年旌表

何氏庠生黃時舉妻歷九載夫卒時二十八歲立繼承祧志莫可奪現行年五十松栢之操歷久彌堅雍正八年旌表

韋氏鮑昌灝妻邑貢生韋易長女十九而孀生子未旬日匍伏屍前泣曰妾未卽從君者兒穉姑老也君其待我於九原閱一月兒夭氏早夜與姑同卧起跬

香山縣志

卷之七 節婦

三

步不離及姑病祝曰姑死何依媳請先往遂飲恨邁疾而終族人哀其志以姪入嗣合葬角山

蕭氏明經蕭立女也年二十適庠生梁世楫世楫早世氏時年二十七晝夜悲慟哀感路人遺孤在抱蕭氏上奉翁姑下撫幼子居常多病而并日親操朝夕匪懈未幾翁亦棄世里中兒及宗族之無行者每凌虐其孤寡內患外侮頻仍未已雖有伯叔懦弱不能拒也茹荼嘗膽隱忍不言惟仰天浩歎而已家外內謹肅奴婢不得妄有出入稍有所餘必推以及人夫與翁安厝悉力經營必求無憾而後卽安孀守歷二



十餘載未嘗破顏一笑生平足不窺戶性量寬恕而禮節必嚴人咸凜其節槩焉

鄭氏順德縣林頭鄉人年二十有五適小攬何微舍于歸半月微舍赴考舟覆身故家貧無子鄭氏爲夫立嗣茹水蘖五十餘年始終如一洵苦節能貞矣乾隆二年旌表

胡氏蕭子讓妻年二十嫁子讓暮年子讓死胡氏矢志守義父母欲奪其志胡氏閉戶自經死

彭氏蕭德耀妻年十五嫁德耀越十年德耀死耀本農家貧無以自存彭氏藜藿不克茹荼食力撫育遺

孤數歷歲饑艱難萬狀今年五十餘尙存

梁氏梁旭章女年二十嫁郭鼎文爲室于歸二載而鼎文死梁氏鬻簪珥殯葬遺一子尙未週歲翁姥俱年邁家甚貧無葦功之親氏工刺繡惟以女紅自給仰事俯育孝慈兼至孀居六載尙未歸寧旣而翁姥相繼淪沒一切喪葬獨力經營伶俜孤苦六十有四終

梁氏乾霧人儒童楊馨及妻贈文林郎梁齊嵩之女幼失怙恃哀慕儼若成人及笄于歸三載生子來鳳未數月馨及病亡時姑已卽世矣煢煢孤寡四壁空



存有勸令改志者泣曰負耄矣不孝棄幼子不慈母寧死乃含辛茹蘗寂守空閨足跡未嘗踰閩兒長晝  
荻授書經營婚娶孀居三十八年今老矣含飴弄孫  
而始終一節雖質之幽冥奚愧焉

鄭氏韋心一妻性莊嚴有閭範生二子而夫卒氏年  
二十七值歲凶挈子就食父家父憐其年少且貧將  
勸之改適氏誓死不從次日卽歸早起遇虎蹲踞道  
傍時長男拆方八歲奮身向虎虎大吼而去人咸以  
爲節烈所感孀居數十載內外無間言教二子俱能  
有成次子章綬列邑庠

香山縣志

卷之七 節婦

十四

區氏庠士郭大業妻氏年十八于歸二十三歲夫逝  
無子矢志栢舟立嗣子以承夫祀茹荼飲蘗孝事耄  
姑終身足不踰戶卽子姪多有不識其面者時勤紡  
績爲子孫婦先壽八十有八無病而終

何氏庠生何駿聲長女也年二十適邑庠繆錫綢綢  
勵志讀書氏恒紡績以佐其勤伉儷相得未幾綢得  
瘍疾卧床五載氏朝夕侍藥未嘗少懈及綢病歿何  
氏年方二十八一兒一女尙在襁褓含辛茹蘗食貧  
守志奉姑鍾氏三十餘年姑壽九十有一孝敬不衰  
治家嚴謹足不闕戶人咸欽其節孝云



高氏大涌村林桐長妻高廷玉女也年二十適桐桐篤學氏篝燈佐讀甫四載桐故襁抱一女氏矢志靡他嗣子東榮年十歲氏撫育成人事翁姑孝養行年五十有三

何氏山谿角劉贊斯妻何以朋之女也年十八歸贊甫九載贊故氏三子勤紡績以事耄姑教子成立治家嚴而有禮足不踰戶里人咸嘆息焉

郭氏翠微人儒童李公憲之妻幼嫻禮教通內則女誠諸書及笄于歸克勤婦道事舅姑惟謹越歲憲隨伯兄肄業城北未數日寢疾彌留氏聞顛天願以身

香山縣志

卷之七

節婦

三

代隨姑詣館憲已垂危凝睇欷歔泣與母妻訣久之兩目猶視隱帶淚痕氏瀝血沾襟誓曰予旦夕相從君母過戚言訖而瞑及櫬歸設奠泣曰後嗣未立魂魄何依聲淚俱下翁立命次子孫名世執喪成服已乃跪謝舅姑嗚咽而退竊謂諸妣曰夫嗣有主義不食言可以下報吾夫矣諸妣相顧駭愕然亦未知其言之悲而志之決也夕奠後扃戶理粧以舊聘釵珥爲殉上下皆衣縞素投繯而死比覺排闥入視正身挺立容貌如生衣粧甚肅闔室徬徨聞者莫不揮涕俄而陰雲慘淡風雨迷離天地亦爲之變色噫烈矣



林氏沙涌坑尾李六茲妻歸三載夫故家貧子幼矢守苦節康熙乙卯耄姑被擄氏沿海號泣見女骸逆流而上檢其身裏衣腰間錦袋知是姑屍又破其幼子指血滴確遂負歸塋人咸稱其節孝

鄭氏處士何晉生妻年十八歸晉生孝事姑嫜婉婉淑慎生二子長鴻昇次鴻翔崇正十四年晉生故氏年二十有七四壁蕭然翁耄子穉無基功之親靠氏全活氏夜則紡績以供白髮晝則和熊以誨孫兒茹苦如飴百折不改及經舅姑喪典衣殯塋成禮且能勵二子成立孀守五十七載壽八十三無疾而卒雍

香山縣志

卷之七

節婦

三

正八年旌表

王氏陳起擦妻年二十于歸逾七載而起擦死家貧無以爲生或勸之改節氏曰忘夫棄子不義不慈弗忍爲也携七歲孤兒爲人牧牛歲得工食拾道傍之破甑以作炊采山間之野菜以充膳茶苦之景人不能堪氏恬然自若孀守五十一年今七十歲

陳氏劉起授妻年二十四而夫卒矢志栢舟事高堂以孝謹聞迨舅姑歿後經營殯塋如禮撫孤子元亮成立娶媳梁氏生孫甫三歲而元亮復亡氏內無基功之親一身拮据日勤紡績以育孤孫夫舅之嗣卒



賴以存人咸多其苦節能貞云

方 氏濠浦人鄭登俊妻年二十七歲夫死苦節痛哭瞽一目足跡不越戶庭奉事八十餘歲老翁貧難拮据甘旨未嘗稍缺卒撫兩孤成立節孝可風

麥 氏監生何德勤之妻訓導廷鎭女于歸數年而夫逝栢舟矢志奉庶姑克盡婦道孀守二十九年松栢之操里黨咸欽

何 氏小欖人舉人李火地子士攀妻于歸五月而夫死日夜泣柩旁水漿不入口葬時一奠慟哭卽絕節烈如此可以風矣

香山縣志

卷之七 節婦

七

區 氏黃峻岳妻夫死無子堅志守節小叔庠生黃浩然舌耕養親間有不足區常紡績助之未幾浩然以攻苦死遺孤二人家益貧困其妻穆氏亦苦志栢舟與區氏形影相依拮据操作事翁姑撫弱子及舅姑病歿氏各出簪珥典鬻以經喪葬先是峻岳無子穆以次子作賓繼旣而浩然長子早逝區復命作賓次子繼兩人同撫一孤使克成立娶媳生子以全黃氏宗一門節孝義而能仁若二氏者可謂寒潭秋月矣

高 氏徐達貺妻庠士高文卓之女事翁邑庠徐和婉曲恭慎能善成夫子志孝友無間于人言年二十三



夫死無子堅矢栢舟撫叔子爲嗣一若已出篤愛教養慈義兼盡高堂垂白始終奉事不缺修灑少有疾病卽籲天願代及至翁歿盡出簪珥以勦喪塋孀守三十六年已週花甲始終一節

方氏農戶藍爾度之妻年十八歸爾度饁耕六載生二子夫死誓不他適紡績度活居小屋一間終日肩戶人罕見其面夫死二年姑汪氏繼歿氏典屋買棺殯塋傭居小叔庶下代嬸氏炊春遇忌日必多方假貸具蔬飯率二孤哭泣彌日晚年二子淪喪遂不苟葷長齋事佛享壽九十有三無疾而終

香山縣志

卷之七 節婦

天

鄭氏梁玉卷妻年十九于歸玉卷琴瑟調諧孝事翁姑婦道克修越數載玉卷病故二子尙在襁褓家道貧難鄭氏堅貞自矢窮而益厲教子以嚴治家以儉喪葬安居不假旁人苦節數十年如一日八十餘歲善終

毛氏知縣楊瓚繼室于歸甫一月瓚入都謁選授浙江宣平令不欲以家累自隨畱氏奉姑勤勞中饋內外咸無間言越七年而瓚卒於官氏年甫二十五歲家徒四壁勵節彌堅孀守五十三年初終一轍今七十有八



楊氏庠生李瓊標之妻舉人大受之媳二十于歸生二子而瓊標病歿氏年二十九歲姑老子幼門鮮碁功含悽飲泣矢志不移事兩姑以孝撫弱息以慈日課詩書冀其成立以次子友梅承大受之祀宗祧兩存家聲無隕皆氏力也守節數十年如一日長子白荷國學生

楊氏楊元一女嫻于內則十九歲適鄭卜甫爲繼室前妻子文炳方五歲鞠育一如己出越一年生子曦日僅週月而卜甫死氏矢志栢舟奉事老姑生養死塋悉鬻簪珥爲之二孤稍長教以齒讓嘗於燈下口授章句今長子生員文炳次子曦日克紹家學母氏之力也乾隆七年旌表

黃氏鄭飛御妻年二十九飛御故舍冰茹蘖紡績自全苦節數十載如一日年六十七終

譚氏庠士繆敬妻太學生元卓女幼嫻姆訓長習婦儀于歸七載而敬卒善事高堂不以貧乏懈其孝養翁姑歿悲悼絕食殞殮如禮苦節六十餘年初終一致雍正七年請旌

羅氏小攬鄉梁泰滋妻幽閒淑慎年二十七寡若事翁姑孝撫弱息慈孀守三十年雍正八年詳請候旌



李氏孝廉騰元女知書通大義年二十二適監生何紹衮相敬如賓篝燈績紡伴讀七年紹衮卒氏志矢靡他事姑孝喪祭致誠盡禮爲夫立嗣克成夫志雍正十年旌表

唐氏生員梁定海妻十七歸梁二十八而寡事翁姑撫孤子忍死守節無何翁姑死長子暨媳復相繼殞零丁孤子依膝下者惟次子弼三備嘗艱苦有爲世所難堪者而茹荼勵志垂四十年人咸憐而敬之雍正十三年旌表

麥氏小欖李侯錫妻子歸三載李病麥侍藥廢寢食香山縣志 卷之七 節婦 三  
禱於天願身代及病篤語麥曰卿丁年幼又無子其若之何麥泣曰從一而終禮也倘不諱寧死弗改節况君有祖父母暨父母在垂暮何依義當代君終養李卒麥擇立嗣子勉向學守節四十餘載有賢婦風乾隆元年旌表

李氏小欖人處士小石次女同鄉儒童蔡景五妻性淑慎夫婦相敬生一子而孀氏時年二十七事舅姑婦兼子職訓幼息母兼父道不數年子死或勸改適氏怒而叱之悲涼酸楚四十六年冰雪之操不以境易族人爲擇子繼之乾隆元年旌



何氏蕭金榮妻二十七而夫故鮮菴功親氏經紀夫喪悉如禮金榮同懷兄天無嗣氏以長子嗣之時次子尚在抱姑病噎食以乳代哺姑遂愈訓二子皆成立而氏年已六十餘矣乾隆二年奉

旨建坊旌表

潘氏孫兆祥妻于歸三載而兆祥疾篤知不起泣謂氏曰高堂老無依倘不諱可若何氏曰從一之義聞之熟矣妾在君無慮越數日兆祥卒氏勤擦作以供甘旨婦道克修舅姑歿典鬻營殯葬擇姪賢聚爲嗣孀守二十八年乾隆二年旌表

香山縣志

卷之七 節婦

三

周氏梁林五妻年二十而夫故氏絕而復甦者再念翁姑白髮左右無人忍死視息日勤紡績以供滌灑侍奉能得其歡姪潮海早喪怙恃煢煢無依氏鞠育如同所生翁姑歿喪葬悉如禮孀守二十七年姻婭鮮有識其面者乾隆二年旌表

黎氏梁和采妻夫死時氏年二十四善事老姑奉養能適其意姑歿哀慟幾絕殯殮如禮每逢春秋祭必敬必誠竟日悲鳴不食孀守二十六年始終一致乾隆二年旌表

劉氏黃儒光妻于歸六載而儒光卒上有祖姑目已



夫明下顧諸孤貧無可恃含水茹蘖左右侍養未嘗頃刻或離其或天氣嚴寒卽負姑於背終日不倦時以詩書訓子不稍爲姑息孀守二十九年其苦節有非人所能堪者長子鵬邑廩生乾隆二年旌表

羅氏李全五妻夫死欲殉以翁姑未葬夫嗣未立誓死守節竭力營墓地撫猶子爲夫嗣訓勉有成復念父羅可行死舉奠無人爲置祀田擇繼娶婦羅氏宗桃賴以不絕苦節五十年乾隆二年旌表

方氏郭在公妻舉人奮武媳也武會試下第歸舟次南安病故在公扶父柩歸自千里外哀毀成疾踰月

香山縣志

卷之七 節婦

三

卒氏年二十八熒熒遺孤方在襁褓家貧無可依藉女縫以供餽粥每念舅姑未葬輒泣然泣竭力營窀窆葬祭如禮閭里稱其節孝乾隆二年旌表

容氏袁以貞妻甫于歸而夫病五閱月卒氏悲悼不欲生其姑勉以大義擇族姪爲嗣時尙穉氏撫育逾於所生訓誨成立娶婦舉孫而媳復故氏撫弱孫如育嗣子時孀守四十餘年始而哭其夫繼而哭其婦老而哭其子艱難一身備嘗聞者哀之乾隆二年旌表

劉氏處士文蔚女前山寨人嫻女訓精婦工適同鄉



生員徐超漢鷄鳴戒旦勉夫子以力學立身顯親爲  
亟漢燈火功深卧病數年卒翁姑號哭悲甚氏曰老  
人不勝哀毀且媳與孫在卽兒在也於是撫孤子卿  
濟教以詩書克自成立孀守四十七載間黨賢之乾  
隆三年旌表

高 氏劉文傑妻于歸四年文傑卒哀毀不食絕而更  
甦念姑老無依矢志弗辱事姑彌孝謹擇服伯次子  
冠武人嗣守節四十二載躬勤紡績不出戶庭乾隆  
三年旌表

梁 氏全雲生妻小欖人及笄而嫁甫數載雲生卒梁  
擇嗣子撫而教之以承宗祧勤肄女工供耄姑朝夕  
膳克修婦道人稱其節孝乾隆五年旌表

鄭 氏程振舉妻二十于歸七年而寡事舅姑訓孤子  
克孝克慈族黨賢之議白有司請旌氏曰未亡人敢  
邀榮耶子幼夫棺未葬弗暇及此也比子長氏令擇  
地厝其夫乾隆五年氏已六十三矣有司白其事表  
其門曰節孝

阮 氏泮沙許覺菁妻年二十四而寡哀毀絕粒誓以  
身殉翁姑曲喻之始勉哺藐孤堅志孀守旣翁死長  
子天氏悉力經理喪葬勤女工供姑甘旨自與次子



啜粥茹蔬族黨嘉其苦節乾隆八年請旌十年建坊  
林 氏茶園儒士陳景勝妻年二十五而寡安貧守志  
績紡以爲食寒雨孤燈機聲徹夜或勸少輟氏云姑  
耄矣身後事敢不豫脩子漸長從師脯修取給於此  
而憚勞耶苦節三十七載乾隆十年旌表

何 氏繆川任妻十九結褵二十二失偶撫嗣子令就  
學未及冠而殤家貧戚寡庭無五尺之童姑病疽常  
在床褥氏侍湯藥奉寢膳晨昏匪懈姑沒典衣經墓  
事拮据勞憊不自惜婦道之誠四十年如一日乾隆  
十年旌表

香山縣志

卷之七

節婦

三

鄭 氏楊敷文妻孝廉魯長女年十八適楊六年而夫  
故氏哀痛不自勝朝夕輟食旣念舅姑老夫無子又  
鮮兄弟始就粒或勸他適氏曰山可移心不可移於  
是擇繼承祀以針黹代夫供子職塋舅姑拮据措辦  
人以為難乾隆十年旌表

高 氏毛倚日妻于歸一載而夫故氏時年二十四翁  
姑衰耄步履維艱氏左右扶掖飲食起居能善承其  
意翁歿氏悲慟幾絕衣衾棺槨悉典鬻爲之其姑年  
八十餘孝養如一日立猶子爲夫嗣恩愛逾於所生  
翁遺二子女亦撫養成立里黨稱其節孝乾隆十年



旌表

鄧 氏李振庸妻生員蘭吉女也年十六適振庸二年振庸病殞鄧慟哭欲相從地下舅姑引譬大義慰之曰而有身矣遺腹得男以延宗祀不愈於死乎旣果生子氏事高堂育遺孤三十五年鄉閭罕聞其聲者乾隆十一年旌表

李 氏小欖儒童麥大悅妻子歸甫一月大悅病且死氏截髮誓志請於姑曰夫死無主祀者侄宜入繼夫伯貢生緣典命次子爲嗣孀居四十餘歲人謂其明大義執婦道爲女中君子乾隆十二年旌表

香山縣志

卷之七 節婦

三

李 氏張文伯妻性端莊恪執婦道文伯病日侍湯藥疾革顧氏若有所囑氏曰君念父母老乎妾在尙可以婦代子文伯頷之而卒氏哀慟幾絕竭力營甘旨以奉高堂稍不繼卽旁貸親隣弗令翁姑知曰未亡人不卽從夫地下者以兩尊人在耳忍更貽感乎翁姑歿哀毀骨立典簪珥以營喪塋里人咸謂節婦知禮遺腹生一子勉以詩書苦節三十七載乾隆十四年旌表

邱 氏龐殿紀妻子歸七載而殿紀卒氏日夜泣柩旁比塋扶柩至山負土成窀穸一慟氣絕家人救獲甦



時翁姑在堂越數載而翁故諸叔亦淪亡過半其姑頻喪愛子已極傷心復殞所天逾增切怛氏婉曲寬慰先意承志而姑獲安然積哀成疾淚盡血枯目竟失明氏左右扶掖一膳必備其甘旨一寢必時其寒煖二十餘年無或懈姑疾篤語所親曰吾非媳久作泉下人矣踰日卒氏悲慟如喪夫時殯殮極周立猶子爲夫嗣乾隆十四年旌表

李氏郭景先妻歸四載止育一女僅三月而景先死氏飲泣悲慟絕而復甦旣念翁姑垂耄慘遭西河之變未可以一死再戚其志翁素貧姑更多病氏侍奉

香山縣志

卷之七

節婦

美

朝夕罔懈里黨稱其節孝

何氏鄭善客妻名家女少通內則女誠諸書結褵甫五月而善客卒氏擗踊幾絕其父委曲寬慰勉以大義得不死含水茹蘖三十餘年事舅姑婦以代子人謂節婦孝訓繼子母而兼師人謂節婦慈孀守獨處一室足不踰戶聲不達閭子瑞琳太學生候選州同乾隆十五年請旌

李氏麥周文妻于歸四載而夫故痛哭不欲生其姑力爲開導始稍進飲食誓死守節日勤紡績以事耄姑姑病狂籲天祈以身代復剪髮贖藥病尋愈越年



姑棄世哀毀骨立典鬻營殯葬如禮孀守三十七年  
水擦始終一致乾隆十五年請旌

何氏李國洲妻年二十六而夫故哀悼不欲生既念  
舅姑在堂忍死視息曲盡婦道未幾舅姑相繼棄世  
典鬻殯殮旋卽卜地與其夫葬于飛駝山駝峰距所  
居數十武寒食必親荐麥飯竟日悲鳴或遇諱辰亦  
具蔬食携孤兒至墓前哭奠家故貧叠遭喪葬兩遇  
凶年借貸無所得母子忍饑日不再食聞者憐之孀  
守五十四年乾隆十五年請旌

容氏韋文龍妻十九于歸一紀生四女一子子生七

香山縣志

卷之七

節婦

三

月而夫歿翁老且病氏侍藥十有三年弗懈翁卽世  
復竭力舉喪塋事時孤子潮稍長氏曰人弗學無以  
立身而貧家獨子尤宜及時自勵承先人志潮以此  
肆力向學冀慰母心氏亦勤績紡供其脯修母子相  
依爲命而機杼之聲與咕嗶之音徹夜聞於戶外潮  
弱冠遊庠序食廩餼三十餘載得薦明經士林言母  
儀者必稱翠微韋母生平寡言笑甘淡薄持家樽節  
有方年八十而卒

梁氏廣文黃斐繼妻年二十二斐卒氏旣營夫喪復  
善體夫志凡斐爲人子爲人父未盡之道悉以身任



其勞親戚貧不能婚娶喪葬者必資助之乾隆壬戌米價湧貴氏出穀數百石平糶而於貧者槩不取值大憲獎以額曰懿型可風

雙節婦者儒士黃正居妻鄭氏十七伉儷十年舉三子遂寡翁西洲姑馬氏在堂鄭撫諸孤諭出入承祖訓長子南先及冠娶妻蕭氏四年生一女甫數月南先卽世或以無子諷改節蕭曰姑之寡雖長五年然上事翁姑下哺遺息家徒四壁卒苦守不辱余非人乎忍姑獨寡也因斷髮誓志旣夫弟庾先舉子泰初蕭曰以長繼長禮也請爲嗣躬親鞠育朝夕隨鄭侍老

香山縣志

卷之七

節婦

三

姑側老姑病鄭晝夜搔抑蕭助之相與廢寢食鄭執翁姑喪蕭率嗣子爲夫服喪終制鄭旣老蕭事之彌謹曰以六十歲之媳奉八旬外之姑雖欲久待得乎姑息熒熒手抱弱子支持喪祭經紀冠婚內外斬斬無間言人稱一門雙節兩世同操

黃氏處士陳圖南長子上文妻上文以力學攻苦得病殂氏年二十八而寡誓志不辱一子一女甫脫襁褓祿氏教以義方俾以成立孤子玉娶媳生孫二人而媳死數年玉死氏復撫孤孫慈嚴備至乾隆十五年氏年七十有二



陳氏處士圖南長女適黃德表年二十七而孀甘貧守節撫週歲孤子事六旬翁姑備嘗艱苦乾隆十五年氏年六十有九生平端嚴樸直知書禮達事理戚族謂節婦賢

李氏陳堯樂妻司訓李修凝女也年二十三而寡或諷以他適輒閉戶悲鳴不食後始無敢再言者事姑孝姑病卧枕簟數年侍湯藥滌穢器始終不懈家故貧而夫柩未葬計無所出鬻所居營窀穸自是托足竟無地矣其父接歸同居母子始無衣食憂時勤課子勗以詩書孀守三十餘年含冰茹蘗人咸稱其苦

香山縣志

卷之七 節婦

三

節

毛氏貢生楊賜凱妻司訓毛德華女性端莊嫻姆訓于歸五載而凱卒遺一子誓以栢舟自矢祖姑方氏年過九十氏左右侍養能善承其意抑搔滌垢絕不假手于人其事姑何氏亦如之處妯娌和數十年來未嘗見其疾言遽色且以義方訓子事無大小悉命其禀於諸叔而行家非豐裕而能好義戚黨緩急咸資助之孀守三十餘年如一日

劉氏何敏載妻于歸七年而敏卒孀守三十餘年有司旌其門曰貞節其孫媳陳氏昌元妻歸二載而昌



元卒時氏年二十五善事舅姑克盡婦道訓子學魁  
成立蜚聲庠序後先節操萃于一門

蕭氏周輝兼妻蕭敏公女也年二十八而寡其姑善  
病齒盡落氏朝夕進飲食能得其歡姑沒遺一子一  
女年俱幼氏慇懃撫育如同所生茹藥三十餘年訓  
二子成立

李氏高鯤化妻于歸六載而鯤卒上事翁姑下撫幼  
子孀居三十餘年冰蘖自矢人咸嘉其苦節能貞

李氏楊隆遠妻庠士李應期女也年二十二歸隆遠  
踰二載而寡貧無可依勤女紅以供餽粥擇糲子明

香山縣志

卷之七

節婦

四

上爲夫嗣四十年堅貞如一日

何氏麥錫庶妻少讀內則女訓諸書識大義于歸甫  
三載而夫故事舅姑孝姑病篤籲天願以身代後獲  
痊人以爲孝感所致與妯娌居冲和雍睦垂戾未嘗  
稍形於色性復儉樸夫沒後絕不被紈綺衣粗食糲  
淡如也孀守三十一年足不踰外時以詩書訓子俾  
得成立

李氏麥君貺妻庠士懋女少喪父事母至孝年及笄  
猶依戀膝下母死一慟幾絕救獲甦已而忽失所在  
遍覓得之井上衣裾濡濕憤不省蓋已躍身井中覺



似有物掖之出者其兄多方開導得不死而哀毀骨立憔悴益不堪矣年二十一歸麥君貺產二女而夫早世氏誓以身殉家人防守嚴數月不得間乃歸寧強進飲食以安兄嫂心居旬日防少弛一夕夜寢方寂投環於小廊下其孝烈前後一轍聞者莫不悲悼順德孝廉羅天尺作長歌哀之

李氏區仰卿妻年二十五而夫死長子甫三齡次生三月家徒四壁內無基功之親外無應門之童日勤紡績以供朝夕典鬻營喪葬茹荼五十二年其苦節有非人所能及者

香山縣志

卷之七

節婦

聖

何氏貢生楊協秉妻于歸八載而夫故時氏年二十八矢志栢舟事耄姑飲食起居能得其意處妯娌數十年雍睦如一日念其父何汝典死無嗣爲置業擇繼何氏宗祧賴以不墜且時課子儉勤不肯稍爲姑息孀守二十九年子觀相太學生

何氏舉人劉光煥妻年二十四而寡止遺一女家無擔石之儲勤紡績以事孀姑間值荒年恒忍饑推食姑歿經營殯殮如禮孀守三十餘年冰擦如一日

劉氏監生鄭昌位妻年二十三而夫故矢志栢舟或諷以他適輒閉戶痛哭竟日事翁姑克勤婦道翁歿



疊遭家難艱苦備嘗而不爲境困性復好義戚族偶有緩急相貸竭力資助而無德色佃戶或揭借耕本而歲收歉薄者悉焚其券且訓子有方勉以詩書俾得成立孀守三十年節操可嘉

何氏李御六妻少嫻內則女誠諸書在家善事主母以孝聞于歸數載而夫故誓死守志奉姑擇繼孝慈備至孀居六十餘年足不踰閭里人罕有識其面者

毛氏鄭繡書妻貢生毛德延女年二十而夫死產一子僅彌月悲慟不食其父曲爲開導始強進糜粥上事翁姑下撫弱子孀守三十年

香山縣志

卷之七

節婦

三

吳氏韋炫奇妻二十而夫逝擗踊幾絕其父母逼令改節誓死不從後聞已許人亟典鬻塋其夫託二穉子于伯自縊死

鄭氏蕭鴻鳴妻于歸六年而夫死上事老翁下撫弱子荼苦備嘗其媳梁氏庠士濬哲妻年二十六而夫亦故貧無可依日勤女工以事孀姑苦節五十餘年

姑媳如同一轍

歐陽氏麥鼎上妻歲貢生麥擴媳年二十七而夫故栢舟誓志善事舅姑飲食起居能曲體其意舅姑歿鬻產殯塋如禮時訓子詩書勗以有成子大江邑庠生



何氏麥儒上妻歲貢生麥擴次媳年二十四而寡奉侍翁姑克勤婦道嚴切誨子勉以有成苦節三十一年

袁氏何嘉會妻性端莊識大義康熙癸卯遭兵燹其夫被賊害氏經營殯葬畢閉戶自縊死遺一子禧先娶婦李氏踰數載而禧先復卒李紡績育子孀守五十三載節烈萃于一門

李氏何昌貽妻舉人何之遜媳結褵甫數月而夫故誓死守志葬翁姑擇繼子克盡孝慈未幾而嗣子死復撫孤孫成立孀守六十三年松栢之操久而逾堅

香山縣志

卷之七 節婦

三

楊氏鄭宗耆妻年二十五而夫故悲慟不欲生其翁勉以大義得不死越四月生一子國璠孤苦零丁艱難備歷孀守二十八年

盧氏歐恪社妻生二子而夫故長文任次紹宗俱在襁褓忍死守節事翁育子漸次成立未幾而紹宗卒其媳黃氏撫週歲孤鴻懋艱難備歷稍長勉以詩書卒成學業姑媳孀守數十年里黨咸欽其節操

程氏李鵬翥妻年二十五而夫死誓死守志或諷以改節卽痛哭欲絕後始無復言者家故貧日勤紡績供養翁菽水其或不繼輒典衣鬻髮以給朝夕膳母



子時忍飢竟日不食翁卧病枕篔簹晨昏侍湯藥濯穢滌垢數年未嘗偶形倦色其荼苦有非人所能堪者里黨嘉其節孝

李氏王超萬妻年二十三而夫死堅貞自矢苦節七十餘年今九十三歲其媳毛氏潤君妻于歸數載而寡奉姑育子孀守四十餘年松栢之操姑媳一致

楊氏貢生鄭鏡妻于歸五載而夫故矢志栢舟事耄姑孝處妯娌和且能識大義敦篤外家諄切訓子孀守二十七年含冰茹蘖始終如一日

蘇氏儒士麥叔賢妻勤儉宜家克盡婦道于歸五載而夫故冰蘖自矢日事女紅以供衣食鞠子有成未幾而子復死僅遺一孫姑媳相依形影共憐孀守五十五年撫孫成立蒼松翠栢久而彌芳

楊氏黃盛斯妻年二十二而夫故自誓守節事耄姑孝姑卧病數年朝夕侍湯藥始終罔懈病獲痊踰一載而夫弟乃恒死其妻改適零丁孤苦益甚氏勤女紅以供菽水復婉爲寬慰始得其姑歡未幾而姑亦死氏悲慟幾絕殯殮悉如禮孀守三十一年足不踰閭訓子成立復爲其夫弟立嗣戚族稱之

梁氏黃紹台妻于歸七載而夫故上事耄姑下撫弱



子勤紡績以供衣食苦節四十八年

古 氏盧律偉妻年十八于歸家徒壁立饔飧恒不給時耄姑在堂氏日典釵珥以供朝夕其外家頗豐裕每遺食物氏必送至姑所姑與同食氏輒以飽啖爲辭實則忍飢未茹也律質弱而善病衣飾典盡醫藥無所得錢乃剪髮賣隣婦向求不得知其爲夫故厚償之芪朮之費稍贍而律偉已病入膏盲藥餌罔效矣踰數日死氏慟絕復甦旣而念夫死無子勉強視息後夫弟生一子卽立爲嗣撫育如同所生稍長勉以義方俾承先緒孀守數十年節操堪嘉

香山縣志

卷之七 節婦

聖

毛 氏監生方嶠妻年二十六而夫逝遺一子南瑛甫週歲奉姑教子克盡孝慈孀守四十餘年足不踰戶聲不達外里黨欽其水操

劉 氏郭正剛妻夫死時年二十二哀悼不欲生復恐孤兒爲耄姑累勉進飲食事姑孝姑病侍奉湯藥不離左右中夜常十數起處妯娌和而有恩遇夫諱日悲鳴不食典鬻葬其夫如禮訓子親師取友俾得成立孀守三十一年

何 氏庠士李天寵妻于歸未久而夫死時氏年二十七誓死守節上事耄翁下撫弱子荼苦備嘗不幸長



子芝庭復早世其媳麥氏年亦二十七而寡姑媳孀守先後如同一轍松筠竹節久而逾芳閭里稱之

何氏楊霽天妻夫故時氏年二十一產二女矢志栢舟克修婦道孀居三十二年含冰茹蘖節操堪嘉

李氏候選縣丞何祿妻年二十八而夫逝絕食不欲生念姑老子幼勉強視息時有至親逼令改適氏慟哭投繯姑覺救獲甦旋毀容截髮誓以死守後始無敢再言者事姑孝侍奉不離左右姑喪明醫罔效氏鷄鳴卽起舐其目數月復開且訓子有方和熊畫荻俾得成立孀守三十四年人咸服其水操

香山縣志

卷之七

節婦

哭

鄭氏黎倫仲妻于歸四年而夫故時氏年二十二栢舟自矢事耄姑撫弱子艱難備嘗中道子復死媳孀孫穉形影共憐孀守四十八載含冰茹蘖初終一致洵稱巾幗完人

劉氏楊修五妻年二十八而夫故上事耄姑脫簪珥以供菽水下撫孤子鞠育有成未幾子中年復死止遺二孫慇懃教養一如撫其孤時孀守五十八年松栢之操久而彌貞

林氏雷居上妻

吳氏鄭開和妻

雷氏蕭玉璉妻

楊氏鄭鼎燕妻



李氏鄭元魁妻

王氏周宏濟妻

鄭氏黃以鐸妻

鄭氏高公熙妻

李氏鄭開尊妻

何氏李勵儒妻

高氏庠士黃奮武妻

陳氏鄭履和妻

鄭氏梁輝錦妻

梁氏黃啟祚妻

郭氏鄭履協妻

李氏王凝錫妻

麥氏何寧一妻

麥氏何瓚典妻

伍氏何雲上妻

郭氏高式孚妻

潘氏監生何廷幹妻

楊氏高上彥妻

何氏麥秀林妻

岑氏麥暎霄妻

香山縣志

卷之七

節婦

七

繆氏庠士嚴仕禮妻

梁氏毛自強妻

李氏庠士何珽見妻

陳氏劉善秀妻

何氏李燦斯妻

何氏李長林妻

麥氏何文教妻

伍氏麥仲賢妻

吳氏洪泰明妻

已上俱青年守節冰操可嘉者得三十三人



人物列傳

義婦

羅氏劉汝賢妻賢樂善好施性耽山水每遊縣南蟾  
蜍嶺輒盤桓不忍去曰此吾葬處也一日陟其巔坐  
移時奄忽逝去時二犬相從一犬奔回跳號若悲鳴  
者家人驚詫往偵之已纍纍成墳矣俗名天塋墳邑  
志劉公峰卽其地也氏善承夫志凡有禪于梓里者  
悉竭力爲之縣南舊有竹逕陂日久就傾氏捐田爲  
址縣丞彭與志修築藉灌大王頭諸鄉田數百頃因  
名羅婆陂宏治年間復圯知縣劉信補築近數十年  
來爲豪強改鑿水決而東民咸苦之張公汝霖勘實  
修復民樂其利暴公煜嘉氏巾幗能識大義惠及一  
方建祠豐山書院側歲時祀焉

香山縣志

卷之七

哭



耆壽

明

游秉忠

嘉靖時人隱耕欖溪年踰耄健行不杖或問

任其自為脩短而已壽百有十歲無疾而逝

何東源

小欖人志意高遠嘗雅歌縱談酣飲飲已卽信步山水間少壯人隨之恒不能及嘗曰吾

有生未始一役其神也壽九十八卒

李

柱沙涌人壽九十

劉養素

山谿角人壽九十

鄧繼禹

北山人壽九十

梁標恭

恭常都人壽百有九歲

梁文煒

標恭子壽九十

方定儒

性孝友捐產百畝為祀田鄉黨有死而無棺者資給之壽百有三歲

國朝

香山縣志

卷之七

耆壽

晃

劉翰瓏

字君烈山谿角人壽九十九

潘世有

北門內人壽九十九

陳潤生

字珍琳西門人壽九十二

何天賚

小欖蓮池坊人壽九十

陳永興

茶園人壽九十

李世川

字基創沙岡墟人壽九十

陸三捷

字嘉亮南門人壽九十五子國相邑庠

郭承惠

南門人孝友慈惠壽九十

關永泰

仁厚里人壽九十六

黎煥

字子郁西坑人壽九十一

黃文照

字覺持荔枝山人壽九十一子輝棧邑庠

張國簡

小欖人壽九十

張肇誥

小欖人壽九十

張顯誥

小欖人壽九十

詹相子

小欖人壽九十

麥彰美

小欖人壽九十

楊鳴雷

正薰街人壽九十一

蕭搖萬

龍眼都人壽九十四

蕭五敘

龍眼都人壽九十四

鄭兆勳

蟻頭人壽九十四



楊遠叔 南門外人忠厚好善 壽九十人號楊佛 劉英雲 山谿角人壽一百有一

徐靄明 南門外徐屋街人忠信誠樸壽九十一 杜錫釗 沙岡墟人壽一百有三

劉對野 山谿角人好義積德壽九十二 鄭崇亮 烏石人壽九十

鄭崇章 烏石人壽九十四 全旭明 北門內人壽九十二

胡子裝 小欖人壽九十 李于鼎 林屋邊人壽九十二

高道權 豪兔人壽九十五 高廷弼 豪兔人壽九十

高啟曙 豪兔人壽九十五 高潤培 龍眼都人壽九十二

鄭端平 沙岡墟人壽九十 王邦郁 泮沙人壽九十

黃國鼎 坑口墟人壽九十 鍾念南 小欖人壽九十

鄭廷棟 蠓頭人壽九十一 徐亮成 南門外人壽一百有三

香山縣志

卷之七 耆壽

季

黃靖 長洲人壽九十 李孚遠 小欖人壽九十

李時逢 西門外人壽九十 黃金龍 良字都人壽九十二

羅瑞元 大欖人壽九十三 黃金卿 四字都人壽九十一

嚴方城 豪涌人壽九十二 羅瑞生 小欖人壽九十

麥毓轅 小欖人壽九十 黃悅茂 永寧街人壽九十五

鄭芳 蓮塘人壽九十二 劉彰 龍聚環人壽九十七

黃雲冲 長洲人壽九十 黃超相 荔枝山人壽九十五

黃玉扉 小欖人壽九十三 黃子諒 長洲人壽九十二

趙純友 小欖人壽九十七 黃坤和 長洲人壽九十

林士友 岐頭人壽九十 李須美 海洲人壽九十



麥宗毓 大攬人壽九十

陳迎祥 小攬人壽九十

劉汝梅 東門人壽九十  
三生員

陸三捷 城內人壽九十  
五

趙特夫 黃梁都赤坎村人壽九十六  
係監生趙時佐之父

梁裕齊 小攬人壽九十一

張宗也 前壠人壽九十  
八

黃美宗 東門人壽九十七

區義菴 章平坊人壽九  
十二

何宗賢 古鎮人壽九十二

香山縣志

卷之七 耆壽



女壽

明

陳氏 義民秦炫母壽九十七炫慷慨好義縣令王好

鄭氏 善遷縣蓮峯使炫任其事氏捐金三百兩襄之

黎氏 沙縣知縣郭尙敬妻壽九十八子良璧壽八十

鄭氏 四邑庠士次子拱璧崇正庚午副榜壽七十七

劉氏 貢生繆志和母壽一百三歲縣令姚啟聖旌

黃氏 蓮塘人慈惠恭儉壽九十九蕭蒼母蒼大涌人

國朝

劉氏 廉州守戎李標之妻壽九十六歲子作梓作梅

香山縣志

卷之七

女壽

七

黃氏 南門人楊覺更妻壽九十七

曹氏 生員繆時鳴母壽九十三

梁氏 茶園人陳王鳳妻生員洪猷母壽九十七

楊氏 北門人生員梁明憲庶祖母壽九十一

陳氏 下村人李碧章母壽九十

張氏 奇澳人鍾君倫妻壽一百三歲乾隆三年詳報

阮氏 西門人丁思明妻壽九十四

陳氏 小欖人何安侯妻壽九十四

容氏 副榜貢生楊紹熙母壽九十六

黃氏 貢生鄭暉母壽九十

毛氏 小欖何貫禹妻壽九十一

陳氏 梁卓生妻壽九十

鄭氏 南門人楊潤傑妻壽九十

何氏 大涌蕭誦如妻壽九十

劉氏 西門人繆潤生妻壽一百三歲

黃氏 山谿角人劉崑厚妻壽九十六

劉氏 香山場人吳德兼妻壽九十四

黃氏 北門人鄭式任妻壽九十五

區氏 牛起灣人楊孟操妻壽九十四

蘇氏 隔田村人譚元文妻壽九十三

李氏 西門人何國宰妻生員何達母壽九十

李氏 西門人何國宰妻生員何達母壽九十



蕭氏 大浦人林順敷妻 壽九十三

王氏 坑裡人湯喜慶妻 壽九十三

楊氏 庠士李雋妻舉人李仙枝邑庠李今得應旗母 時年九十有六

楊氏 蘇洲街人何憲藩妻監生彥升母壽九十 恭逢 恩詔二次賞賚

何氏 南門人鄭倫貴妻 壽九十 徐氏 高蕃衍母壽九十 餘

何氏 西門人黃兼秀妻廩生 容氏 貢生贈奉直大夫 鄭懿母閩範可風 黃學山祖母壽九十

黃氏 鄭秀弼母壽九十 壽九 十八 六北門外人

劉氏 林雲巽妻 壽九十八 蔡氏 奇澳人鍾全偉 妻壽九十三

梁氏 小攬人黃永賢妻 許氏 庠上四殿士元妻壽九 十子憲轍貢憲度監

李氏 龍服都大麗頭人鄭于傑妻壽九十六 恭逢 恩詔三次賞賚

黃氏 南門外人高緝貞妻壽九十一 恭逢 恩詔一次賞賚

香山縣志

卷之七 女壽

三

鄭氏 郭作霖妻壽九十七 恭逢 恩詔三次賞賚

黃氏 蓮塘人鄭子襄妻壽九十一 恭逢 恩詔一次賞賚

劉氏 龍眼都申明亭人舉人楊煒妻庠士 昕映暄母壽九十二 恩詔二次

繆氏 顯后村人邑庠蕭雄萬妻邑庠蕭燦廩庠聖啟 監生 漢 和之母壽九十恭逢 恩詔寵錫

區氏 蔡美生妻 壽九十五

何氏 全天祿妻 敕科供事全大倫 母壽九十三恭受 恩詔寵錫

阮氏 象角人彭思敬妻監生 燦傳母壽九十